



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epitome In Qvatro Lib. Sententiarvm M. Petri Lombardi**

**Spina, Claudius de**

**Parisiis, 1551**

44. de resurgentium conditione, primò bonorum, secundò malorum.

**urn:nbn:de:hbz:466:1-38840**

E P I T O M E  
DE QUALITATE RE-  
surgentium.

D I S T I N C T. Quadragesimæ quartæ  
CAP. Primum.

*Omnes resurgent in ætate Christi, sed  
non in statura corporis eius.*

**A**ugust. exponens illud, Donec occur-  
ramus omnes in virum perfectum, in <sup>eph. 4.</sup>  
mensuram ætatis & plenit. Christi, ait: <sup>lib. 22.</sup>  
Non ait in mensuram corporis vel staturæ, <sup>de ci-</sup>  
quia vnusquisque suam recipiet mensuram <sup>uita. c.</sup>  
corporis, quam vel habuit in iuuentute, e- <sup>14.</sup>  
tiam si senex obiit, vel fuerat habiturus, si  
antè est defunctus. <sup>2</sup> Aetās verò erit illa ad  
quam peruenit Christus, scil. iuuenilis, circa  
30. annos. Triginta enim duorum annorum  
& trium mensium erat ætas Christi, in qua  
mortuus est & resurrexit. Non est autem  
fas dicere, quòd in resurrectione accedat  
corpori magnitudo, quam nec habuit hic,  
nec erat habiturum diu viuendo: nec maio-  
ra corpora redigenda sunt ad modum do-  
minici corporis. Periret enim multum de il-  
lis corporibus, quum nec periturus sit capil-  
lus, vt ait Dominus, Capillus de capite ve- <sup>Luc. 21</sup>  
stro non peribit.

CAP. Secundum. *Materia tota ead-  
em corporum reparabitur.*

*aug. in  
Ench.  
c. 88.* **D**Eus mirabiliter ac ineffabiliter arti-  
fex, de toto quo caro nostra extiterat,  
etiam mirabili celeritate restituet, nec  
aliquid attinebit ad eius redintegrationem,  
vtrum capilli ad capillos redeant, & vngues  
ad vngues, an quicquid eorum perierat,  
mutetur in carnem, & in partes alias cor-  
poris reuocetur, curante artificis prouiden-  
tia nequid indecens fiat. Indecorum quippe  
aliquid ibi non erit: sed quicquid ibi futu-  
rum est, hoc decebit: quia nec futurum est,  
si non decebit.

*CAP. Tertium. Dubium est an re-  
probi cum corporis deformitatibus  
sint resurrecturi.*

*aug. in  
Ench.  
ca. 92.* **D**E reprobis autem quæri solet, an cum  
deformitatibus hic habitis resurgant.  
Hoc autem August. non asserit, sed  
dubium relinquit, ita inquit: *Quicumque*  
ab illa perditionis massa, quæ per Adam fa-  
cta est, non liberantur per Christum, resur-  
*gunt* quidem etiam ipsi, vnusquisque cum  
carne sua, sed vt cū Diabolo eiúsq; angelis  
puniantur. *Vtrum verò ipsi cum vitis & de-  
formitatibus suorum corporum resurgant*  
quæcunque in eis gestarunt, inquirendo la-  
borare quid opus est? Non enim fatigare  
nos debet incerta eorum habitudo vel pul-  
chritudo, quorum erit certa & sempiterna

P P

damnatio. Ecce non definit an tunc habeant deformitates, quas hic habuerunt reproborum corpora.

C A P. Quartum. Corpora reproborum tunc igne inconsumptibili cremabuntur, quorum animæ sine corpore torquebantur.

*Simile*  
**S**I verò quæritur de corporibus malorum *de ci-* quomodo in igne ardeant & non con- *uit. lib.* sumantur: Aug. variis exemplis astruit, *21. c. 1.* & sempiternis ignibus ea ardere, & non *3.* consumi illa combustione, sicut animus, cuius præsentia corpus vivit, & dolorem pati potest, mori autem non potest. Hoc enim erit tunc in corporibus damnatorum, quod nunc esse scimus in animis omnium. Animas verò igne illo sine corpore cruciari testatur Iulianus Toletanus episcopus. Gregorij verba *Did. 4* sequutus. Teneri autem per ignem spiritum *cap. 18.* dicimus, ut in tormento ignis videndo atque sentiendo. quod etiam ex Euang. colligitur, *Lu. 16.* qui inter tormenta clamat, quia crucior in hac flamma. Dum ergo peccatorem divitem damnatum in ignibus veritas perhibet, quis sapiens, reproborum animas teneri ignibus neget?

C A P. Quintum. Fœtus humani, in utero matris extincti, & hominum monstra resurgent.

aug. in  
Ench.  
ca. 85.  
c. c.  
87.

**E**X quo autem incipit homo viuere, ex illo ytique iam mori potest. Mortuus verò vbicunque illi mors potuit euenire, quomodo ad resurrectionem non pertineat reperire nequeo. Nec enim & monstra quæ nascuntur & viuunt quantumlibet, citò moriantur, aut resurrectura negabuntur, aut ita resurrectura credenda sunt: sed potiùs correctæ eorum emendatæque natura. Absit enim vt illum bimembrem, quem nuper natum in oriente, fratres fidelissimi qui eum viderunt retulerunt, & S. Hierony. scriptum reliquit, vt viuum hominem duplicem, ac non potiùs duos, quod futurum erat, si gemini nasceretur, resurrecturos existimemus. Ita & cætera quæ nimia deformitate monstra dicuntur, ad humanæ naturæ figuram in resurrectione reuocabuntur.

DE STATV AC CON-  
ditione bonarum anima-  
rum post mortem.

D I S T I N C T. Quadragesimæ quintæ  
CAP. Primum.

*Animæ hinc migrantes varia sortiuntur receptacula.*

De ve.  
apo.

**D**E quibus ait August. Tempus quod inter hominis mortem & vltimam resurrectionem interpositum est, animas abditis receptaculis continet, sicut

P P ij